



Broj: 101 - 2049/18

Mostar, 5.9.2018. godine

Na osnovu člana 100. stav (2) Zakona o visokom obrazovanju Hercegovačko-neretvanskog kantona, člana 72. a u vezi sa članom 208. stavova (3) i (4) Statuta Univerziteta „Džemal Bijedić“ u Mostaru, Senat Univerziteta, na 80. sjednici održanoj 5.9.2018. godine, donio je

## ODLUKU o angažmanu stručnjaka iz prakse

### I

Ovom Odlukom definišu se način i uslovi angažmana stručnjaka iz prakse na Univerzitetu „Džemal Bijedić“ u Mostaru.

### II

Stručnjaka iz prakse, bez zasnivanja radnog odnosa, angažuje organizaciona jedinica/univerzitetski studij u cilju izvođenja pojedinih specifičnih predavanja, vježbi, seminara i drugih oblika rada, uz obavezan nadzor predmetnog nastavnika u obimu do 50 % planiranih nastavnih sati.

Stručnjaka iz prakse može angažovati organizaciona jedinica/univerzitetski studij za izvođenje pojedinih specifičnih predavanja u obimu 20% od fonda sati predavanja.

Stručnjaka iz prakse predlaže predmetni nastavnik, a NNV-će organizacione jedinice/univerzitetskog studija utvrđeni prijedlog za angažman stručnjaka iz prakse dostavlja Senatu radi donošenja konačne odluke.

### III

#### **Stručnjak iz prakse mora ispunjavati sljedeće uslove:**

- VSS - najmanje VII stepen stručne spreme, odnosno visoko obrazovanje prvog (240 ECTS) i/ili drugog ciklusa Bolonjskog sistema studiranja odgovarajućeg smjera (za angažman u izvođenju vježbi); ili
- naučni stepen doktora nauka ili trećeg ciklusa Bolonjskog sistema, studiranja odgovarajućeg smjera, (potrebno za angažman u izvođenju predavanja);
- VSS - najmanje VII stepen stručne spreme, odnosno visoko obrazovanje prvog (240 ECTS) Bolonjskog sistema studiranja odgovarajućeg smjera i priznanja u umjetničkom stvaralaštvu (za angažman u izvođenju vježbi)
- najmanje završen stepen drugog ciklusa studija ili magistar nauka i priznanja u umjetničkom stvaralaštvu (potrebno za angažman u izvođenju predavanja);

Stručnjaci iz prakse moraju imati iskustvo u struci u trajanju od najmanje **3 godine**.

Stručnjak iz prakse uz dokaze o ispunjenju naprijed navedenih uslova dužan je dostaviti **biografiju, potrebne reference, certifikate ili druga dokumenta koja dokazuju stručnost za određenu oblast**.

#### IV

Pojedinačna prava i obaveze lica koja se angažuju u svojstvu stručnjaka iz prakse u izvođenju nastave bliže se regulišu posebnim ugovorom u skladu sa općim aktima Univerziteta.

#### V

Odluka stupa na snagu danom donošenja.

**ZA PREDSEDAVAJUĆEG SENATA  
UNIVERZITETA „DŽEMAL BIJEDIĆ“ U MOSTARU**

Van. prof. dr. Senad Rahimić, prorektor za naučno-nastavna pitanja



**Dostaviti:**

- Senatu
- Generalnom sekretaru
- organizacionim jedinicama 8x
- voditeljima univerzitetskih studija/sekretaru
- a/a



Broj: 101-2623/22

Mostar, 1.9.2022. godine

Na osnovu člana 100. stav (2) tačke Zakona o visokom obrazovanju Hercegovačko-neretvanskog kantona, člana 72., a u vezi sa članom 208. stavovi (3) i (4) Statuta Univerziteta „Džemal Bijedić“ u Mostaru, Senat Univerziteta je na 138. sjednici održanoj 1.9.2022. godine, donio

## ODLUKU

### o izmjeni Odluke o angažmanu stručnjaka iz prakse

#### I

Odluka o angažmanu stručnjaka iz prakse broj: 101-2049/18 od 5.9.2018. godine mijenja se u članovima:  
II stav (1) i stav (2) i III stav (2) i glasi:

#### Član II

Stručnjaka iz prakse, bez zasnivanja radnog odnosa angažuje organizaciona jedinica/univerzitetski studij u cilju izvođenja vježbi, seminara i drugih oblika rada, uz obavezan nadzor predmetnog nastavnika, u obimu do **80% planiranih nastavnih vježbi**.

Stručnjaka iz prakse može angažovati organizaciona jedinica/univerzitetski studij za izvođenje predavanja u obimu **do 50% od fonda sati predavanja**.

#### Član III

Stručnjaci iz prakse moraju imati iskustvo u struci u trajanju **od najmanje 5 godina**, te moraju imati zasnovan radni odnos.

#### II

**Ostale odredbe Odluke** o angažmanu stručnjaka iz prakse broj: 101-2049/18 od 5.9.2018. godine ostaju na snazi.

#### III

Odluka stupa na snagu danom donošenja.

#### Dostaviti:

1. Senatu
2. Fakultetima
3. Voditeljima univerzitetskih studija
4. Finansijsko-računovodstvenoj službi
5. a/a

PREDSEDAVAJUĆA SENATA  
UNIVERZITETA „DŽEMAL BIJEDIĆ“ U MOSTARU

  
prof. dr. Alena Huseinbegović, rektorica